

Frustration... Jan 2024

مختصر احباطي الاجتماعي (نقاط متفرقة):

- عدا عن ارتياح من كابوس الثنائي، غير الشيعة مبسوطين انو عموم الشيعة كطايفة تيّموا، يا خيي انا ليش بدي افرح بشي لو صار معي، لا بل لَمَن صار معنا من سنة ١٩٨٢ وجاي عرفنا فيه طعم امر المر، كنت ح شوف حالي الى زوال؟ انا ككنعاني مفروض افصل حالي عن وعن باقي المسلمين وادعين بالتوفيق وشوف وين شغلي... وذل أحلي جار للمسلمين بس انا ليش بدي افرح لوضعن المأساوي؟ ما حان الوقت يوقف هالدولاب يلي كل فترا بيبرم ع مجموعة؟؟

- رعد شايف انو نواف تقسمي عدا انو بعدو (اي رعد) عايش كان ما صار شي مؤخرًا وبهدد ومش عاجبه، انا مفروض افصل حالي عنو، ليش بدي كون عمجاده وجادل كل مجموعته؟ مش عاجبن سايكس بيكو ولبنان الكبير يلي نتج وبنفس الوقت بهتونا انو بدنا نقسم او نفدرل... وبقولوا نحنا عملا ومصريين يعيشوا معنا. انا ليش رابط حالي سياسيًا فين؟

- جنبلاط عمل مصلحته وراح شاف الجولاني كرئيس طايفة (بمعنى وحدة ثقافية اجتماعية) غير معترف بفكرة الدولة / منو أحسن من الثنائي، انا مفروض افصل حالي عنو ليش بدي ضل راعيه بالسياسة الداخلية وهو بيعمل مصلحة بيئته وبنفس الوقت بهتني انو بدي فدرل او قسم؟ والانكى انو عنده كانتون خاص.

- القوات كان ع اساس تسمي مخزومي او ريفي وانو حسب ججع ولا يمكن يسموا الا هول، قاموا سموا نواف: شو صار؟ المنطق بقول انو ما قدروا / انجبروا او فضلوا يجي سلام من انو يجي ميقاتي.. طيب ليش؟ المنطق بقول لأن مش محضرين حالن خلال هل ١٠ سنين لهيك مرحلة. (التساؤلات حول اداء القوات تطول والسؤال الابرز: أمتين بحين الوقت المناسب لطرح الموضوع الاساسي اي الفدرالية او التقسيم؟ لمن يروء الوضع وبصير في شوية رخاء اقتصادي؟ بتكون اخدت علينا ابرة المورفين ومنصير نقول يلا ماشي الحال صار في رواق وشغل، ومناكل بوكس بعد كم سنة).

- نواف بدو يعيد اعمار الجنوب من جيوينا، وبدو يطرد "العدو الغاشم" يلي لولاه ما كان شاف حاله هون: هيك ربي، هاي بيئته، هيك حارب، هيك اشتغل سياسي بمناصبه المرموقة، انا مفروض افصل حالي عنو ليش بدي حطه ع راسي واتأمل انو اسياده الدوليين يسيره غير عما كان قبل ومثل ما مصلحتي انا بتقتضي؟ يعني ليش ايدي تحت بلاطه؟

- أحد الاصدقاء من القرى الحدودية المسيحية ممتعض فقط (بشدد: فقط) من تصرف غير لائق لاحد الكتايب الاسرائيلية بحق كنيسة الضيعة وتدمير منازل بضيعة من ورا تمرکز مقاتلي الحزب فيها وبالتالي قصفها من قبل الاسرائيليين، وهو مهجر أبًا عن جد من ضيعة بسبب الاحتلال الفلسطيني آنذاك وثم خنقة الحزب للمنطقة... يعني عأساس اخر ٢٠ سنة كانت المنطقة هونيك مفعمة بالتعايش والمحبة والديموقراطية والإنماء وكان عمبفكر يرجع...

- اللبنانيين بلشت تاخذ علين ابرة المورفين: اكيد انا ما فيني الا ما انطر واعطي فرصة لأن ما بايدي شي اصلاً، بس هالرجا بحل ازمة لبنان بظل نفس الدستور وبغياي اي خطاب صريح وخطة عمل للأحزاب المسيحية اقله، وبوصول قائد جيش باخراج اقليمي (كل الاحترام للرئيس الجديد بالشخصي انا قصدي المراكز)، انو بعد كل شي صار، ليش بعدنا اصلاً قبلانيين نترك حالنا بوضعية نضطر نجادل مع جماعة الثنائي او نقبل برئيس وزارة خلفيته عروبية قح

يسارية عرفاتية حطينا آلاف الشهدا لنشيلها عَنَّا؟ (شهاداته ونزاهته ع راسي بس الشهادات والنزاهة ما خسن بالمواقف السياسية وشفنا مواقفه اخر ١٠ سنين ارضاءً لمحور الممانعة بس قال شو؟ قال هلق في محور bb رح يديره)...

- واخيرًا اصدقي بالقوات او بفلك القوات شايفين انو القوات عمتلعب تكتيك اللحظة المؤاتية. طيب من ١٠ سنين ليش نحنا مش حاضرين لهيك لحظة تاريخية؟

- في ناس بدها انو الميثاقية بتضل معتبرة محفوظة بناس ما بمتلوا الغالبية بمكوّنن. هيدا شي ما حدا بيقبله ع حاله وبالتالي ما بجوز.

- في ناس بدها تغيّر نبيه بري، يا خيي انتو ما كان بدكن رئيس جمهورية ذمي عند المسلمين، ليش بدكن رئيس مجلس زمي عندكن...

انا ما بملك اجوبة ع كل شي. وانا ما عمقول معي حق بكل شي. بس الاكيد انو في غياب رؤية او، وبشك، في رؤية غير معلنة.

بالحالة الثانية هل بحق لحزب عدم اعلان رؤيته تما يحرقها؟ منين جايبين هالمنطق؟ هيدا منطق ميشال المر الزغير لمن قال لشو برنامج انتخابي بلكي ما قدرت نفذه ليش ت انلام...

والاخطر هو عدم اعلان رؤيا (لأن ما في) والهام القواعد انو في رؤيا مخفية وانتظار الاحداث لاعلان "الرؤيا" حسب الاحداث: يعني اذا الغرب فدرل / قسم، يومتها منقول انو هاي كانت رؤيتنا ومنركب الموجة،

وإذا ما اجبت من قول انو اخدنا الخيار الصحيح ومنيح ما راهنا عالغرب (بوقت نحنا ما منكون عملنا شي للقضية).